

অবিলম্বে প্রকাশের উদ্দেশ্যে: 7/28/2021

গভর্নর অ্যান্ডরু এম. কুওমো

গভর্নর কুওমো ঘোষণা করেছেন স্টেট পরিচালিত হাসপাতালগুলিতে রোগীদের চিকিৎসায় নিযুক্ত স্বাস্থ্যকর্মীদেরকে লেবার ডের মধ্যে কোভিড-19 এর টিকা নিতে হবে।

সমস্ত স্টেট কর্মী—প্রায় 130,000 জনকে—কোভিড-19 এর টিকা নিতে হবে; যেসব স্টেট কর্মীরা টিকা নেবেন না, তাদের টেস্ট করাতে হবে; শর্তগুলি ন্যায্যভাবে বাস্তবায়ন করার জন্য ইউনিয়নগুলির সাথে নিউ ইয়র্ক স্টেট কাজ করছে

কোভিড-19 টিকার চূড়ান্ত অনুমোদনে গতি আনতে এবং আপৎকালীন ব্যবহারের অনুমতির নিষেধাজ্ঞা শেষ করার জন্য গভর্নর কুওমো FDA কে অনুরোধ করেছেন

গভর্নর কুণ্ডমো স্থানীয় সরকারগুলিকে অনুরোধ করেছেন যে সমস্ত কর্মীকে টিকা দিতে হবে বা টেস্টের রিপোর্ট জমা করতে হবে

গভর্নর অ্যান্ডরু এম. কুওমো আজ ঘোষণা করেছেন যে স্টেট পরিচালিত হাসপাতালগুলিতে রোগীদের চিকিৎসায় নিযুক্ত স্বাস্থ্যকর্মীদেরকে লেবার ডের মধ্যে কোভিড-19 এর টিকা নিতে হবে। রোগীদের চিকিৎসায় নিযুক্ত কর্মীদের সামনে টিকাকরণের পরিবর্তনে টেস্ট করার কোনও বিকল্প থাকবে না। গভর্নর আরও ঘোষণা করেছেন যে নিউ ইয়র্ক স্টেটের সমস্ত কর্মী—প্রায় 130,000 লোককে—লেবার ডের মধ্যে কোভিড-19 নিতে হবে। যেসব স্টেট কর্মী টিকা নেবেন না, তাদেরকে সাপ্তাহিক ভিত্তিতে কোভিড-19 এর জন্য টেস্ট করাতে হবে। শর্তগুলি ন্যায্যভাবে বাস্তবায়ন করার জন্য ইউনিয়নগুলির সাথে নিউ ইয়র্ক স্টেট কাজ করছে।

"স্টেটজুড়ে কোভিড-19 মহামারিকে পরাজিত করার জন্য নিউ ইয়র্কাররা অসীম সাহস এবং আত্মত্যাগ করেছেন, তবে ডেল্টা ভ্যারিয়েন্টের গতি অনুযায়ী টিকাকরণ হচ্ছে না এবং আমাদের এখনই পদক্ষেপ নিতে হবে," গভর্নর কুওমো বলেছেন। "সেই কারণে আমরা চাইছি স্টেট পরিচালিত হাসপাতালে কর্মরত এবং রোগীদের সামনে যাওয়া সবাইকে টিকা নিতে হবে। নিউ ইয়র্ক স্টেট নিজেদের টিকাকরণ প্রক্রিয়াকে আরও এগিয়ে নিয়ে যাচ্ছে এবং নির্দেশ দিচ্ছে যে সমস্ত স্টেট কর্মীকে টিকা নিতে হবে বা প্রতি সপ্তাহে টেস্ট করাতে হবে এবং লেবার ডের মধ্যে এটি দুত ও কার্যকরভাবে বাস্তবায়ন করতে শ্রমিক আন্দোলনে যুক্ত ভাই-বোনেদের সাথে কাজ করতে আমরা উৎসাহী। এই ভয়ঙ্কর সময়ে আমাদের বীর স্বাস্থ্যকর্মীরা পথ দেখিয়েছেন, অত এব চলন টিকা নেওয়া যাক, জীবন বাচান এবং এই দানবকে চিরতরে পরাজিত করুন।"

টিকার চূড়ান্ত অনুমোদনে গতি আনতে এবং আপৎকালীন ব্যবহারের অনুমতির নিষেধাজ্ঞা শেষ করার জন্য গভর্নর কুওমো FDA কে অনুরোধ করেছেন। এছাড়া লেবার ডের মধ্যে সমস্ত কর্মীকে টেস্টিং জমা করতে বা টিকা নেওয়ার ব্যবস্থা করে দিতে স্থানীয় সরকারগুলিকে অনুরোধ করেছেন গভর্নর কুওমো। যদি সংখ্যা বাড়তে থাকে, আক্রান্ত এরিয়াগুলির স্কুল ডিস্ট্রিক্টগুলিতেও কড়া পদক্ষেপের কথা বিবেচনা করতে হবে।

স্টেট পরিচালিত হাসপাতাল এবং ফেসিলিটির মধ্যে আছে:

- SUNY স্টোনি বৃরুক
- SUNY আপস্টেট
- SUNY ডাউনস্টেট
- স্টোনি বরুকে অবস্থিত লং আইল্যান্ড ভেটেরান্স হোম
- হেলেন হেজ হসপিটাল
- SUNY কলেজ অব অপ্টোমেট্রি
- মন্ট্রোজ ভেটেরান্স হোম
- সেন্ট অ্যালবান্স ভেটেরান্স হোম
- অক্সফোর্ড ভেটেরান্স হোম
- বাটাভিয়া ভেটেরান্স হোম

নিউ ইয়র্ক স্টেটের তরফ থেকে এখনও টিকার অ্যাক্সেস বৃদ্ধি ও প্রচারে জোর দেওয়া হচ্ছে, বিশেষত যেসব এলাকায় টিকাকরণের হার কম। স্টেটজুড়ে কোভিড-19 মহামারিতে সবচেয়ে ক্ষতিগ্রস্ত কমিউনিটিগুলিতে টিকাকরণের প্রচার করতে নিউ ইয়র্ক স্টেট বাজেট থেকে \$15 মিলিয়ন বরাদ্দের কথা 26 জুলাই ঘোষণা করেছেন গভর্নর কুওমো। এই ফাল্ডগুলি দিয়ে বৈচিত্রময় কমিউনিটিগুলিতে চলতি প্রচেষ্টাকে মজবুত করতে, জনশিক্ষা প্রসার এবং যোগাযোগের জন্য ব্যবহার করা হবে। এছাড়া গভর্নর আরও ঘোষণা করেছেন নতুন বিজ্ঞাপন যার মাধ্যমে নিউ ইয়র্ক স্টেটের সবাইকে টিকা নেওয়ার অনুরোধ করা হয়েছে।

কোভিড-19 এর কারণে হওয়া গুরুতর অসুস্থতা, হাসপাতালে ভর্তি এবং মৃত্যু প্রতিরোধে মার্কিন যুক্তরাষ্ট্রে কোভিড-19 টিকার আপৎকালীন অনুমোদিত ব্যবহার অত্যন্ত কার্যকরী প্রমাণিত হয়েছে। B.1.617.2 হিসাবেও পরিচিত, ভারতে শনাক্ত হওয়া ডেল্টা ভ্যারিয়েন্টের মতো উদ্বেগজনক ভ্যারিয়েন্টের বিরুদ্ধে সহ এমনকি নতুন স্ট্রেইনের বিরুদ্ধেও FDA-অনুমোদিত টিকার কার্যকারিতা মজবুত রয়েছে। যারা টিকা নেননি তারা গুরুতর অসুস্থ হওয়ার সবচেয়ে বেশি ঝুঁকিতে রয়েছেন, আর এ কারণেই নিউ ইয়র্ক স্টেট ডিপার্টমেন্ট অব হেলথ সব যোগ্য নিউ ইয়র্কবাসীকে যত তাড়াতাড়ি সম্ভব টিকা নেয়ার জন্য জোরালোভাবে আহ্বান জানাচ্ছে।

###

আরো সংবাদ পাওয়া যাবে এখানে <u>www.governor.ny.gov -এ</u> নিউ ইয়র্ক স্টেট। এক্সিকিউটিভ চেম্বার | <u>press.office@exec.ny.gov</u> | 518.474.8418